

授小山下位、乃封三十戶、十年正月辛巳、勅境部連石積、封六十戶、因以給純三十疋、綿百五十斤、布百五十端、鑿一百口、十一年三月己酉、是日詔曰、親王以下、至于諸臣、被給食封皆止之、更返於公、十月丙子、百濟僧常輝、封三十戶、是僧壽百歲、

朱鳥元年五月戊申、待醫百濟人億仁病之臨死、則授勳大壹位、仍封一百戶、

〔日本書紀三十一〕五年正月丙戌、詔曰、直廣肆筑紫史益、拜筑紫大宰府典以來、於今三十九年矣、以清白忠誠、不敢怠惰、是故賜食封五千戶、純十五匹、絲二十五屯、布五十端、稻五千束、七年十一月戊申、以直大肆授直廣肆引由朝臣少麻呂、仍賜食封五十戶、

〔續日本紀文武〕四年八月丁卯、赦天下、但十惡盜人不在赦限、高年賜物、又依巡察使奏狀、詔諸國司等、隨其能進階、賜封各有差、阿倍朝臣御主人、大伴宿禰御行、並授正廣參、因幡守勤大壹、船連秦勝封三十戶、遠江守勤廣壹、漆部造道麻呂二十戶、並褒善政也、

〔續日本紀十二〕天平九年九月丁未、贈民部卿正三位藤原朝臣房前正一位左大臣、賜食封二千戶於其家、限以三十年、

歿後賜封

○按ズルニ、此レ功封ニ似タリ、其歿後ニ賜ラテ以テナリ、蓋シ左大臣ノ封戸ハ二千戸ナルヲ以テ、其額ヲ職封ニ准ゼシナラン、而シテ限ルニ二十年ヲ以テセシハ、權制ニ出デタルナリ、

〔東大寺正倉院文書三十五〕周防國天平十年正稅帳○中略

封戸租穀玖佰貳拾斛玖斗陸升伍合

全給貳所租穀伍佰玖斛捌斗伍升伍合

半給參所租穀肆佰壹拾壹斛壹斗壹升

給主二百五斛五斗五升五合  
納官二百五斛五斗五升五合

官租穀肆仟伍拾捌斛肆斗陸升